


গণপ্রজাতন্ত্রী বাংলাদেশ সরকার
মহিলা ও শিশু বিষয়ক মন্ত্রণালয়
পরিকল্পনা শাখা-২

৩২.০০.০০০০.০৬১.১৪.০১৬.২০১৪-১৮

তারিখঃ ০৬/০২/২০১৭

বিষয়ঃ “মহিলা ও শিশু ডায়াবেটিস, এন্ডোক্রিন ও মেটাবলিক হাসপাতাল, সেগুন বাগিচা” শীর্ষক প্রকল্পের এর আওতায় সেবাহনকারী হতদরিদ্র নারী ও শিশুদের বিনা মূল্যে চিকিৎসা প্রদান সংক্রান্ত নীতিমালা।

উপর্যুক্ত বিষয়ের প্রেক্ষিতে নির্দেশক্রমে জানানো যাচ্ছে যে, মহিলা ও শিশু বিষয়ক মন্ত্রণালয়ের আওতায় মহিলা বিষয়ক অধিদপ্তর এবং বাংলাদেশ ডায়াবেটিক হাসপাতাল কর্তৃক বাস্তবায়নাধীন “মহিলা ও শিশু ডায়াবেটিস, এন্ডোক্রিন ও মেটাবলিক হাসপাতাল, সেগুন বাগিচা” শীর্ষক প্রকল্পের উদ্দেশ্য অনুযায়ী হাসপাতাল পরিচালনায় প্রণীত নীতিমালা অনুসরণ করতঃ কার্যক্রম গ্রহণের জন্য অনুরোধ করা হলো (নীতিমালার কপি সংযুক্ত)। প্রসঙ্গত উল্লেখ্য যে, গরীব শিশু ও নারীদের সেবা প্রদানের জন্য প্রণীত নীতিমালার সংশ্লিষ্ট অংশ হাসপাতালের সন্মুখে সাইন বোর্ড আকারে স্থাপনে নির্দেশ প্রদান করা হলো; যাতে করে গরীব শিশু ও নারীগণ তাদের প্রাপ্য সুবিধাদি সম্পর্কে ওয়াকিবহাল থাকেন।


(মোঃ মাহমুদ আলী)
সিনিয়র সহকারী প্রধান
ফোনঃ ৯৫৫৩৫০৫

সাধারণ সম্পাদক

বাংলাদেশ ডায়াবেটিক সমিতি

১২২ কাজী নজরুল ইসলাম এভিনিউ, শাহবাগ, ঢাকা।

সদয় অবগতির ও প্রয়োজনীয় ব্যবস্থা গ্রহণের জন্য অনুলিপিঃ

- ১। মহা-পরিচালক, মহিলা বিষয়ক অধিদপ্তর, ৩৭/৩, ইস্কাটন গার্ডেন রোড, ঢাকা।
- ২। সচিব মহোদয়ের একান্ত সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ৩। পরিচালক (প্রকল্প ও উন্নয়ন), বাংলাদেশ ডায়াবেটিক সমিতি, ১২২ কাজী নজরুল ইসলাম এভিনিউ, শাহবাগ, ঢাকা।
- ৪। অতিরিক্ত সচিব, (উন্নয়ন ও পরিঃ) মহোদয়ের ব্যক্তিগত কর্মকর্তা, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
- ৫। উপ-প্রধান, মহোদয়ের ব্যক্তিগত কর্মকর্তা, পরিবহনপুল ভবন, সচিবালয়, লিংক রোড, ঢাকা।

**মহিলা ও শিশু ডায়াবেটিস, এন্ডোক্রিন ও মেটাবলিক হাসপাতাল, সেগুনবাগিচা-এর আওতায়
সেবাগ্রহনকারী হতদরিদ্র নারী ও শিশুদের বিনা মূল্যে চিকিৎসা প্রদান সংক্রান্ত নীতিমালা।**

বাংলাদেশ সরকার এবং বাংলাদেশ ডায়াবেটিক সমিতির যৌথ অর্থায়নে ঢাকার সেগুন বাগিচায় একটি ১০০ শয্যা বিশিষ্ট মহিলা ও শিশু ডায়াবেটিস, এন্ডোক্রিন ও মেটাবলিক হাসপাতাল স্থাপন প্রকল্পের আওতায় ৩০% হতদরিদ্র নারী ও শিশুদের বিনামূল্যে চিকিৎসা সুবিধাদি প্রদান সংক্রান্ত নীতিমালার বৈশিষ্ট্য নিম্নরূপঃ

- ১। দরিদ্র, নারী ও শিশু অসহায় ও দুর্দশাগ্রস্ত মহিলা ও শিশু রোগীদের জন্য হাসপাতালের ৩০% বিছানা সংরক্ষিত থাকবে। তাদের বিনামূল্যে চিকিৎসা সুবিধা প্রদান করা হবে। এক্ষেত্রে তাদেরকে নির্ধারিত ফরমে আবেদন করতে হবে (সংযুক্ত)।
- ২। মহিলা ও শিশু বিষয়ক মন্ত্রণালয় এবং এর আওতায় সংস্থাসমূহ যথাঃ মহিলা বিষয়ক অধিদপ্তর, জাতীয় মহিলা সংস্থা এবং বাংলাদেশ শিশু একাডেমীতে কর্মরত কর্মচারীগণ হাসপাতালে চিকিৎসার জন্য ভর্তি হওয়া থেকে শুরু করে হাসপাতালের ছাড়পত্র পাওয়া পর্যন্ত মোট চিকিৎসা ব্যয়ের ৫০% টাকা রোগীকে অর্থাৎ কর্মকর্তা ও কর্মচারীকে অবশ্যই পরিশোধ করতে হবে। এক্ষেত্রে মহিলা ও শিশু বিষয়ক মন্ত্রণালয় এবং এর আওতায় উপরে বর্ণিত সংস্থাসমূহে নিয়োজিত কর্মকর্তা/কর্মচারীগণ পদবীসহ পরিচয়পত্র হাসপাতালে কর্তৃপক্ষের নিকট দাখিল করে নির্ধারিত আবেদন ফরমে আবেদন করতে হবে (কপি সংযুক্ত)।
- ৩। নারী ও শিশু নির্বাচনে নিম্ন আয়ের জনসাধারণ বিশেষ করে যাদের বার্ষিক আয় ৩০,০০০/- (ত্রিশ হাজার) টাকার নিম্নে তাদেরকে বিবেচনা করতে হবে। অসহায় ও দুর্দশাগ্রস্ত বলতে প্রতিবন্ধী, বিধবা, স্বামী পরিত্যক্তা মহিলা, এতিম শিশু ও প্রতিবন্ধী শিশুকে বোঝাবে। সংশ্লিষ্ট জেলা ও উপজেলার মহিলা বিষয়ক অধিদফতর/সমাজসেবা অধিদফতর কর্তৃক দরিদ্র ও অসহায়ত্বের বিষয়ে প্রত্যয়ন পত্র প্রদান করতে হবে। তবে এ সুবিধা পাওয়ার জন্য হতদরিদ্র নারী ও শিশু রোগীকে হাসপাতাল কর্তৃপক্ষের নিকট নির্দিষ্ট ফরমে আবেদন করতে হবে। জাতীয় সামাজিক নিরাপত্তা কর্মসূচীর কার্ডধারী মহিলা ও শিশু রোগীরা উক্ত কার্ড প্রদর্শন সাপেক্ষে বর্ণিত সুবিধা পেতে পারেন।
- ৪। সাধারণতঃ বিনামূল্যে চিকিৎসা সুবিধা পাওয়ার ক্ষেত্রে বৃদ্ধা (৫০ বছর বা তদুর্ধ্ব) এবং শারীরিক ও মানসিক প্রতিবন্ধী নারী ও শিশুগণ অগ্রগণ্য বলে বিবেচিত হবেন। রোগের ভয়াবহতাও এক্ষেত্রে অগ্রাধিকার পেতে পারে।
- ৫। বর্ণিত সুবিধাভুক্ত নারী ও শিশু রোগীগণকে বিশেষ চিকিৎসা সুবিধাভোগী কার্ড প্রদান করা হবে। একজন নারী ও শিশু রোগী প্রতি বছরে সর্বোচ্চ ০৩ (তিন) বার এ সুবিধা পাবেন। রোগের ভয়াবহতা অনুযায়ী সর্বোচ্চ ০৪ (চার) বার এ সুবিধা প্রদান করা হবে।
- ৬। বাংলাদেশ ডায়াবেটিক সমিতি বর্ণিত হাসপাতালে নারী ও শিশু রোগীদের বিনামূল্যে ৩০% চিকিৎসা সুবিধা প্রদানের তথ্যাদি যথাযথভাবে সংরক্ষণ করবে এবং তথ্যাদি সমন্বিত প্রতিবেদন ত্রৈমাসিক ভিত্তিতে মহিলা বিষয়ক অধিদপ্তর এবং মহিলা ও শিশু বিষয়ক মন্ত্রণালয়ে দাখিল করবে।
- ৭। মহিলা ও শিশু বিষয়ক মন্ত্রণালয়ের অর্থায়নে নির্মিতব্য হাসপাতালে সর্বমোট ১০০ টি বেড এর বিপরীতে ৩০টি বেড নারী ও শিশু গরীব রোগীর জন্য সংরক্ষিত রাখতে হবে এবং নারী ও শিশু গরীব রোগীদের বিনা মূল্যে

চিকিৎসা সহায়তা দিতে হবে। হতদরিদ্র নারী ও শিশু রোগীর সংখ্যা অপরিমিত হলে তবে উক্ত খালি বেডে অন্য সাধারণ রোগী রাখা যাবে।

৮। উক্ত হাসপাতালের কার্যক্রম মনিটরিং এর জন্য একটি মনিটরিং টিম গঠন করা হলো। কমিটির গঠন ও কার্যাদি নিম্নরূপ হবে :

(ক)	অতিরিক্ত পরিচালক (প্রশাসন), মহিলা বিষয়ক অধিদপ্তর	সভাপতি
(খ)	সিনিয়র সহকারী প্রধান/সহকারী প্রধান, মহিলা ও শিশু বিষয়ক মন্ত্রণালয়	সদস্য
(গ)	মহিলা ও শিশু ডায়াবেটিস, এন্ডোক্রিন ও মেটাবলিক হাসপাতাল, সেগুন বাগিচা এর উপ-পরিচালক(প্রশাসন)	সদস্য-সচিব

কমিটির কার্যপরিধিঃ

- (ক) কমিটি নীতিমালা অনুযায়ী হাসপাতালে হতদরিদ্র নারী ও শিশু রোগীদের সেবাদান কার্যক্রম যাচাই বাছাই করবে।
 - (খ) কমিটি প্রতি তিন মাস অন্তর অন্তর সরেজমিনে হাসপাতাল পরিদর্শনপূর্বক এ সংক্রান্ত প্রতিবেদন মন্ত্রণালয়ে দাখিল করবে।
 - (গ) বর্ণিত কমিটির হাসপাতাল পরিদর্শন সংক্রান্ত কার্যাদি সম্পন্ন করতে বাংলাদেশ ডায়াবেটিকস হাসপাতাল সাচিবিক সহায়তা প্রদান করবে।
 - (ঘ) বিবিধ।
- ৯। উক্ত হাসপাতালের সম্মুখে একটি সাইন বোর্ডে হাসপাতালটি বাডাস এবং মহিলা ও শিশু বিষয়ক মন্ত্রণালয়ের যৌথ অর্থায়নে নির্মিত হয়েছে তা লিখতে হবে।
- ১০। প্রতি ০২ (দুই) বছর পর পর মহিলা ও শিশু বিষয়ক মন্ত্রণালয়ের সাথে পরামর্শক্রমে উক্ত নীতিমালা হালনাগাদ করতে হবে।

(নাছিমা বেগম এনডিসি)

সচিব

নাছিমা বেগম এনডিসি

সচিব

মহিলা ও শিশু বিষয়ক মন্ত্রণালয়
গণপ্রজাতন্ত্রী বাংলাদেশ সরকার